

আমার বন্ধু বিপ্লব

বিপ্লব আমায় ডেকে বলল,

এবার আমাকে ফেরা।

সবুজ হল, সাদা হল,

না হয় এবার অন্য রঙেই ফেরা।

যে রং বিভেদ জানেনা,

যে রং চায় না যুদ্ধ, চায় না বোমা,

চায় না খিদের ছড়াছড়ি,

যে রং মানে না টাকা, মানে না চেয়ার,

মানে না ঐ খোদার ছড়ি!

বিপ্লব আমায় ডেকে বলল,

এবার আমাকে ফেরা।

সে খোদা কিসের খোদা,

যার হীরের জন্য শ্রমিক খোদা।

আমার চোখে তো সেই খোদা

যার এই সময় শিরদাঁড়া সোজা।

যার কথা সাম্যের গানে,

সে জানে ধর্মের মানে।

যে স্বাধীনতায় বিশ্বাস করে মানুষের চাওয়া

পাওয়ার,
যার সততার কবিতা আমায় কাছে টানে।

বিপ্লব আমায় ডেকে বলল,
কীরে! হচ্ছে তো ফেরা?
যারা ভবিষ্যৎ, ছাত্র যারা,
এরা তো তাদেরই করছে ঘেরা!

সময়ের রং এতই কালো,
সেখানে গণতন্ত্র দিশা হারায়।
ভোট মেশিনে আর অশিক্ষার ধোঁয়াতে
যেন রাজতন্ত্র উঠে দাঁড়ায়,
নেমে আসে এক কালো কুচকুচে রাত।
তবে প্রজারাও হল অন্ধ,
কিছু কোষাগার হলো বন্ধ,
প্রাসাদে বিরিয়ানির গন্ধ,
রাজপথ হলো ফাঁকা; বাজিমাত।

"হকারগুলোকে তুলব,
রাস্তা খাচ্ছে বড়!
বড় শপিংমল খুলবো,

টাকা খাচ্ছি পুরো।"
কী যে এদের নীতি!
ও আচ্ছা, হিন্দু সম্প্রীতি!

বিপ্লব আমায় ডেকে বলল,
আসছি আমি ফিরে,
জাতের মুখে জুতো মেরে,
হাতে ধানের শীষ নিয়ে
রাজার নেমেসিস নিয়ে।